

河套圖志

下

河套圖志  
貳

河套圖志卷三

職官第三

富平張鵬一扶萬編

秦九原新秦各官于史無徵然扶蘇蒙恬分監上郡其重視  
邊地可知已漢度遼將軍屯曼柏五原匈奴郎將屯美稷各部  
都尉初列郡邑猶唐以安北軍于二都護得歷藩部天德振武二  
軍使鎮攝嚴整其制一也農尉鹽官漢有專職唐刺史節使兼  
營田鹽樵專職兼任重輕雖殊收效無異遼金西夏鼎峙西北金  
肅雲內州軍分布大河東隅防禦尤嚴西夏末抗東勝北限天德  
陰山瀚海不能踰越踰躋新秦見吞蒙元明代失計退築邊疆及



敵騎南下督撫總制張呈肆應不出堂奧以視漢唐北假設宮三  
城置使單于款塞雞曰授州其勝莫為何如哉清因明舊羈縻屬  
藩故同治新置伊犁之失無輔車犄角之援全積一役勞師動衆  
如克大敵建宮設職控馭要害等邊者可以鑒已。

### 漢度遼將軍

後漢書百官志注引應劭漢官儀曰度遼將軍武帝初用范

明友明帝永平八年復置以衛南單于秩二千石長史司馬六百

石安帝紀延光三年注漢官儀曰度遼將軍屯五原曼柏考范明

友武帝時吳棠明帝時鄧鴻和帝時鄧遵耿夔安帝時龐奮和帝

時龐參耿雲裴暉耿昱馬續順帝時皇甫稜張奐桓帝時鮮于

輔獻帝時獨孤進陝西通志均度遼將軍而事功著者有耿秉朱  
徽梁懂陳龜李膺皇甫規橋玄种嵩等八人

後書耿秉傳字伯初以父任為郎肅宗建初元年拜度遼  
將軍視事七年匈奴懷其恩信

後書南匈奴傳永元六年以執金吾朱徽行度遼將軍時  
南單于中郎將杜崇不相平上書告崇崇因與徽上言南單  
于安國疎放胡親新降遂發兵造其庭安國夜聞漢兵至大  
驚棄帳去曼栢城門閉不得入乃引兵屯五原崇徽因發諸  
郡騎追赴之急安國舅喜為等乃格殺安國

後書梁懂傳安帝永初四年南單于圍中郎將耿种數月

梁愷將八千餘人馳赴之。至爲國故城，破其渠帥，殺三千餘人。單于復自將七八千騎迎攻圍愷。愷奔擊所向皆破虜。遂引還虎澤。三月，何熙軍到五原，暴疾不能進。遣龐雄與梁愷及耿种步騎六千攻虎澤。連營稍前，單于惶怖，詣愷乞降。愷陳兵受之，即拜愷度遼將軍。

後書陳龜傳：家世邊將，使習弓馬，雄于北州。龜少有志氣，永建<sup>順帝</sup>中，舉孝廉，五遷五原太守。又羌胡寇邊，殺長吏，驅略百姓。桓帝以龜世諳邊俗，拜爲度遼將軍。又龜到職州，郡重足震慄，鮮卑不敢近塞。省息經用，歲以億計。

後書黨錮傳：永壽<sup>桓帝</sup>二年，鮮卑寇雲中。桓帝聞膺

能復徵為度遼將軍。先是羌虜及疏勒龜茲數出攻剽張掖酒泉雲中諸郡。百姓屢被其害。自膺到邊。皆望風懼服。先所掠男女悉送還塞下。自是之後聲振遠域。

後書皇甫規傳。字威明。安定朝那人也。祖父稜。度遼將軍。

又延熹桓帝時徵拜度遼將軍。至營數月。上書薦中郎將

張奐以自代。朝廷從之。以奐代為度遼將軍。規為使匈奴中郎將。及奐遷大司農。規復代為度遼將軍。在事數歲。北邊咸服。永康元年。徵為尚書。

後書橋玄傳。桓帝末。鮮卑南匈奴及高句驪嗣子伯固並畔為寇。鈔四府舉玄為度遼將軍。假黃鉞。玄至鎮。伏兵養士。

然後督諸將守討擊胡虜及伯固等皆破散退走在職三年  
邊境安靜靈帝初徵入為河南尹

後書種嵩傳匈奴寇并涼二州桓帝擢嵩為度遼將軍  
嵩到營所先宣恩信誘降諸胡其有不服然後加討羌虜先  
時有生見獲質于郡縣者悉遣還之誠心懷撫信賞分明由  
是羌胡龜茲莎車烏孫等皆來順服嵩乃去烽燧除候望邊  
方晏然無警入為大司農

### 使匈奴中郎將

後書百官志中郎將一人比二千石本注曰主護南單于置  
從事二人有事隨事增之掾隨事為員考郎將在順帝時有王稠



陳龜馬賓張國在靈帝時有張奐臧旻而段彬杜崇馬翼  
張軌時有功焉

後書光武紀建武二十六年遣中郎將段彬授南單于靈  
綬令人居雲中始置使匈奴中郎將將兵衛護之注漢官儀  
曰使匈奴中郎將屯西河美稷縣也

和帝紀永平六年南單于安國從弟子逢侯率叛胡亡出  
塞九月使匈奴中郎將杜崇討之

安帝紀延光三年南匈奴左日逐王叛使匈奴中郎馬翼  
討破之

順帝紀永和五年南匈奴左部大人句龍吾斯等東引烏

桓西收羌胡寇上郡立車紐為單于冬十一月遣使匈奴中  
郎將張耽擊破車紐

### 漢朔方刺史

朔方五原郡太守

後書光武紀漢初造丞相史分刺州武帝元封五年置部  
刺史秩六百石員十三人各主一州成帝綏和元年罷刺史置州  
牧秩真二千石平當傳引師古注武帝初置朔方郡別令刺史監  
之不在十三州之限錢大昕曰武帝元封五年置十三部刺史并  
與朔方各自為部未嘗屬并州朔方之屬并乃建武十一年事耳  
上郡亦屬朔方部故馮野王為上郡太守朔方刺史蕭育奏封事  
薦之漢書百官表太守掌治其郡秩二千石屬有丞邊郡有長史

掌兵馬秩皆六百石。漢朔方刺史見於史者有平常。程方進朔方太守。有賈琮曰。五原太守有隋昱。崔實。

漢書平常傳。遷丞相司直。成帝時。坐法左遷朔方刺史。

漢書程方進傳。河平中。成帝時。轉為博士。數年遷朔方刺史。居官不煩苛。所察應條。輒舉。甚有威名。

後書賈琮傳。為朔方太守。徭內郡徒人在邊者。率多貧弱。為居人所僕役。不得為吏。琮擢用其任職者。與邊吏參選。轉相監司。以摘發其奸。或以次補長吏。故各願盡死。

後書盧芳傳。初五原人李興。隋昱朔方人。田颯代郡人。石  
窳閭。湛各起兵。自稱將軍。建武四年。單于遣無樓且渠王入

五原塞與李興等和親告興欲令芳還漢地為帝李興引兵  
至葷于庭迎芳興俱入塞都九原縣掠有五原朔方雲中定襄  
雁門五郡並置守令侵苦北邊建武七年冬芳以事誅其五  
原太守李興兄弟而其朔方太守曰颯雲中太守橋危恐懼  
叛芳舉郡降光武復令領職如故

又傳建武十三年芳與賈覽共攻雲中不下其將隋昱守  
九原欲脅芳降芳知羽翼外附心背內離遂棄輜重十餘  
騎亡入匈奴其衆盡歸昱昱乃隨使者程恂詣闕拜昱為五  
原太守

後書崔實傳石拜議郎遷大將軍冀司馬出為五原太

守。

後書崔實傳召拜議郎遷大將軍實司馬出為五原太守五原土宜麻桑而俗不知織績民冬月無衣積細草而臥其中見吏則草衣而出實至官斥實儲峙為作紡績織絁練緇之具以教之民得免寒苦是時胡虜連入雲中朔方殺吏民一歲至九奔命實整厲士馬嚴烽候虜不敢犯常為邊最以病徵拜議郎。

郡都尉

農都尉

鹽官

田官

漢初郡置都尉後漢省惟邊郡仍置其在上郡高望縣者有北部都尉在西河郡猛虎縣五原郡田辟城朔方郡窳澤縣者

有西部都尉在朔方郡廣牧縣五原郡綏陽縣蒲澤縣者有東部  
都尉而中部都尉治五原郡成宜縣原高城朔方郡渠搜縣

漢書百官表都尉掌武職甲卒秩皆二千石有秩六百石  
後書百官志各郡都尉皆省惟邊郡似置各有丞漢律邊塞  
置都尉百里一人士史尉史各二人

郡都尉外又有農都尉主屯田殖穀屬國都尉主蠻夷降者  
分治五原西河之美稷上郡之龜茲

漢書百官表武帝初置農都尉後書百官志邊郡置農都  
尉主屯田殖穀漢官儀農都尉不治民

又百官志武帝置屬國都尉主蠻夷降者屬有丞有候千

人

又置鹽官於西河郡之富昌五原郡之成宜朔方郡之沃野  
廣牧朔方各縣惟地理志朔方縣之金蓮澤青鹽澤為今哈刺耐  
莽池餘不可考

百官志郡有鹽官鐵官工官都水官隨事廣狹置令長及  
丞秩次皆如縣道無分土給均吏本注曰凡郡縣出鹽多者主鹽  
稅出鐵多者置鐵官主鼓鑄有工多者置工官主工稅物有  
水池及魚利多者置水官主平水收澳稅

又有田官即五原郡河日縣之北假田官也

元帝紀晉灼說

# 赫連夏

晉南渡後，朔方為赫連氏所據。魏書：文皇帝鬱律立，思二年，劉虎據朔方。虎子務桓，桓三子衛長立。附魏，又通符堅，旋背堅，為堅所擒，封夏陽公。魏伐之，因奔堅，以為西單于，攝河西雜虜也。代末，慕容永據長子，拜衛長朔方牧，居朔方。衛長子勃勃字屈牙，衛長見殺，勃勃奔于叱牛部。姚興見而奇之，拜驍騎將軍，參軍國大議，為持節安北將軍、五原公。配以三交五部鮮卑及雜虜二萬餘落，鎮朔方。義熙二年，僭稱天王，大單于，赦其境內。建元曰龍昇，署置百官。自以匈奴夏后氏之苗裔也，國稱大夏。九年，改元為鳳翔。以叱干阿利領將作大匠，發嶺北夷夏十萬人。



於朔方水北黑水之南營起都城。勃勃自言朕方統一天下，君臨萬邦，可以統萬為名。阿利性尤工巧，然殘忍刻薄，乃蒸土築城，錐一一寸，即殺作者，而并築之。勃勃以為忠，故委以營繕之任。俄而劉裕滅姚泓，入長安，遣使遺勃勃書，請通和好，約為兄弟。裕留于義真鎮長安，而還。勃勃以于瑣都督前鋒諸軍，軍領撫軍大將軍，率騎二萬南伐長安。瑣至渭陽，關中郡縣悉降。瑣夜襲長安不克，勃勃進據咸陽。長安樵採路絕，劉瑣聞之大懼，乃召義真東鎮洛陽，以朱齡石為雍州刺史，守長安。義真大掠而東，至灊上，百姓遂逐齡石而迎勃勃。入于長安，於是勃勃大饗將士，于長安為壇，于灊上僭即皇帝位，赦其境內，改元為昌武。

群臣勸都長安。勃勃曰：朕豈不知長安累帝，舊都有山河四塞之固，但荆吳僻遠，勢不能為人之患。東魏與我同壤境，去北京裁數百餘里，若都長安，北京恐有不守之憂。朕在統萬，彼終不敢濟河。諸卿適未見此耳。乃于長安置兩臺，以瑋領大將軍，雍州牧，錄尚書事，勃勃還統萬，以宮殿大成，於是赦其境內，又改元曰真興。刻石都南，頌其功德。秘書監胡義周之辭也。勃勃性凶暴，好殺，無順守之規。夷夏慕然，人無生賴。在位十三年，而宋受禪，以宋元嘉二年死。子昌嗣偽位，尋為魏所擒，至定而止。凡二十有六載而已。

見魏書本紀、鐵丹傳、勃勃傳。

北魏統萬鎮將 夏州刺史

魏書官氏志鎮軍將軍第一品下又舊制緣邊置鎮都大將  
統兵備禦與刺史同城隍倉庫皆鎮將主之又諸州置三刺史宗  
室一人異姓二人又後以遠近多事置京大都督復立都督俱總  
軍人諸州各置都尉以主兵北魏初都平城屏蔽河西者統萬為  
重鎮世祖時鎮將和歸元素桓貸樓伏連豆代田河間王閭虎皮  
均見紀傳而知名者南陽王惠壽尉元拓跋太興等

文成帝紀興安元年屠各王景文叛詔統萬鎮將惠壽討  
平之又尉元傳太和初徵為內都大官出為使持節鎮西大  
將軍開府統萬鎮都將甚得夷民之心又京兆王子推傳子

太興襲爵拜統萬鎮將改封西河後改鎮夏州仍以太興為  
刺史除守衛尉卿

夏州刺史見于史者源子雍等四人穆羆李鼎庫狄回洛見

北齊書

拔也惡李和怡峯宇文泰劉平伏陸彌

見周書

魏書源子雍傳遷夏州刺史時沃野鎮人破落汗拔陵首  
為反亂所在蜂起統萬逆胡與相應接子雍擐城自守城中  
糧盡煮馬皮而食子雍善撫綏得士心以饑饉轉切欲自出  
求糧留子延伯據守遂自將羸弱向東運糧時北海王顥為  
大行臺子雍具陳賊可滅之狀顥給子雍兵馬令其先行時  
東夏境叛賊所在屯結子雍轉鬪而前九旬之中凡數十戰

乃平東夏徵租稅粟運于統萬於是二夏漸平。

周書和尙其先狄道人徙居夏州大統時為夏州刺史賜姓

宇文氏改封永豐縣公在夏州頗留遺惠

周書文帝紀齊神武既破爾朱遂專朝政太祖宇文泰往

觀之還謂岳賀拔岳曰骨也頭控弦之騎不下一萬夏州刺

史斛拔彌俄突勝兵之士三千餘人及靈州刺史曹泥並恃

僻遠常懷異望又魏書神武紀天平元年正月袖武自將萬

騎襲魏夏州不火辰四日而至縛稍為梯夜入其城擒刺史

斛拔俄彌突而用之留都督張瓊以鎮之又紀魏孝武太昌

元年正月賀拔岳引兵西次平涼謀於其象曰夏州鄰接寇

賊須加安撫，安得良刺史以鎮之？衆皆曰：宇文左丞即其人也。岳曰：左丞吾右手也，如何可廢？沈吟累日，乃從衆議。於是表太祖為使持節武衛將軍、夏州刺史。又三月，太祖宇文泰令李弼鎮原州，夏州刺史拔也惡託鎮南秦州。北周夏州刺史有王雅、蔡襲等，而長孫儉熟最著。

周書儉傳：賀拔岳被害，太祖赴平涼，凡有經綸謀策，儉皆參預。從平侯莫陳悅，留儉為秦州長史。時西夏州仍未內屬，而東魏遣許和為刺史，儉以為信義，招之和，乃舉州歸附。即以儉為西夏州刺史，總統三夏州。後鎮江陵，遷大將軍，移鎮荊州。總管三年，以疾還京，為夏州總管薨。

664762



隋 榆關夏州總管 榆林太守

隋書百官志州置總管刺史加使持節又文帝初州置刺史  
煬帝省諸州為郡羅刺史其夏州總管有豆盧勣吐萬緒惟豆  
盧通達奚長孺有名

隋書通傳勣之兄也開皇初拜定州刺史後轉相州刺  
史遷夏州總管洪州總管所在之職並稱寬惠

長孺傳開皇時文帝紀十五年為夏州總管三州六鎮  
都將軍匈奴憚之不敢窺塞以病免

榆關總管有賀婁子幹杜彥而賀婁以曉習邊事稱

隋書子幹傳高祖以子幹曉習邊事授榆關總管十鎮

諸軍歲餘拜雲州刺史甚為虜所憚母憂去職朝廷以榆  
關重鎮非子幹不可尋起視事十四年以病卒官

又彥傳雲州總管賀婁子幹卒上悼惜者久之因詔  
侍臣曰榆林國之重鎮安得子幹之輩乎後數日上曰鎮榆  
林者莫過杜彥於是徵拜雲州總管突厥來寇彥擐擒斬  
之北夷畏憚胡馬不敢至塞後拜朔州總管突厥復寇雲  
州以彥為突厥所憚復拜雲州總管未幾以疾徵還卒  
榆林太守董純歷邵突厥云

隋書純傳大業初出為汶山太守歲餘突厥寇邊朝廷以  
純宿將轉榆林太守虜至境輒擊卻之



隋末朔方人梁師都據夏州蒲城人郭子和據榆林

舊唐書師都傳朔方人仕隋鷹揚府郎將大業末罷歸  
結徒起為盜殺郡丞自稱大丞相聯兵突厥因畧定雕陰  
弘化延安自為梁國僭皇帝位建元永隆始畢可汗遣以  
狼頭蟲纒大度毗伽可汗解事天子遂尊突厥兵居河東  
地拔鹽川郡又高祖紀武德三年秋七月梁師都尊突厥稽  
胡寇邊行軍總管段德操敗之又傳師都遣尚書陸季覽  
說處羅可汗曰隋亡中國裂為四五勢均力弱皆爭附突厥  
今唐滅劉武周國益大兵方四出師都將朝夕亡然次亦  
及突厥願可汗如魏孝文引兵而南師都請為鄉導處

羅納之。令莫賀咄設入五原。泥步設與師都趨延州。又為德  
操所敗。武德六年四月。師都將賀遂素周以所部十二州降。  
德操悉兵攻之。拔東城。師都保西城。不敢出。求救于突厥。頡  
利。頡利以精兵萬騎赴之。先是稽胡大帥劉公成以眾赴師  
都。因讒見殺。其下疑懼。乃多叛。師都日益蹙。遂往朝頡利。  
教使南略。故突厥邊無寧歲。師都時據夏州。貞觀二年  
四月。太宗以師都變危。乃諭以書。使歸。不從。詔夏州長史  
劉旻。司馬劉蘭。經略之。有得其生口者。輒縱遣。今為反間。  
離其君臣之計。頻遣輕騎。踐其禾稼。有李正寶。辛獠兒  
者。皆其名將。謀執師都。事洩。來降。太宗遣右衛大將軍柴

紹殿中少監薛萬均擊之。又使劉旻、劉蘭率勁卒直據朔方東城以逼之。胡利可汗遣兵來援師都。紹逆擊破之。進屯城下。師都兵勢日蹙。其從父弟洛仁斬師都詣紹降。以其地為夏州。

唐書郭子和傳。子和同州蒲城人。為隋左翊衛。以罪徙榆林。大業末。子和與死士十八人執丞王才斬之。自號永樂王。建元五平。號其父為太公。以弟于政為尚書令。子端于升為左右僕射。有騎兵二千。武德元年。獻款。授靈州總管。金河郡公。

唐朔方節度使

唐書百官志節度使掌總軍旅。顯誅殺。武德初邊要之地置  
總管。七年改總管曰都督。總十州者為大都督。又兼刺史。而  
不檢校州事。其後都督加使持節。則為將。諸將亦通以都督  
稱。惟朔方稱大總管。邊州別置經略使。沃衍有屯田之州置  
營田使。安祿山反後。諸郡嘗賊衝者。置防禦守捉使。乾元元  
年。置團練守捉使。建中後。行營亦置節度使。防禦使。都團練使。  
皆兼所治州刺史。而唐初朔方沿隋制。置總管。太宗時有李  
勣。高宗時有論弓仁。武后天授初有薛懷義。契苾明。中宗景  
龍時有張仁愿。解琬。景雲初有唐休璟。先天初有郭元振。玄  
宗開元初有韋抗。方鎮表以朔方軍節度使始於開元九年。

領單于大都護府夏鹽綏銀豐勝六州定遠豐安二軍東中  
西三受降城代宗大歷十四年析置河中振武邠寧三節度  
朔方所領靈鹽夏豐四州西受降城定遠天德二軍德宗貞  
元十二年朔方節度使罷領豐州及西降城天德軍以振武  
之東中受降城隸天德軍領豐會二州三受降城而玄宗時  
朔方節度有王峻韋光乘張懷欽見寶刻叢編李林甫以  
宗時有渾日進路嗣恭德宗時有李懷光戴休顏惟王忠  
嗣郭子儀李藥等有名

唐書王忠嗣傳開元二十九年代韋光乘為朔方節度  
使天寶四載兼河東節度採訪使自朔方至雲中緣邊數千

里當靈是開拓舊城或自創制平地各數百里自張仁宣之  
後四十餘年忠嗣繼之北塞之人始罷戰矣

玄宗紀十四載十一月以郭子儀為靈武太守朔方節度  
使

德宗紀貞元十一年以朔方留後李樂為靈州大都督  
府長史朔方靈鹽豐夏四州受降走遠城天德軍節度  
副大使知節度事管內度支營田觀察押蕃落等使

### 夏州節度使

方鎮表德宗貞元三年置夏州節度觀察處置押蕃落

使領綏鹽二州後罷領鹽州憲宗元和九年夏州增領宥州

文宗開成三年增領採造軍器銀州監牧使宣宗大中十年增領撫  
平夏党項等使僖宗中和二年賜號靖難軍節度其節度使有名  
者德宗時有韓潭韓全義憲宗時有李愿張照田進李聽傅良  
弼文宗時有李震董重質劉源武宗時有木暨宣宗時有畢誠  
鄭助田在賓僖宗時有諸葛爽而李演張丞金李祐鄭畋最知  
名

憲宗紀永貞元年十月以李演為夏州刺史夏綏銀等州  
節度使又紀元和元年二月夏州留後楊惠琳據城叛詔發  
河東天德兵誅之辛巳夏州兵馬使張承金斬惠琳傳首以

獻

穆宗紀元和十五年以李祐兼夏州刺史充夏綏銀宥節度使代李聽長慶元年正月夏州奏浙東湖南等道防秋兵不習邊事請留其兵甲歸其人敬宗紀長慶四年三月李祐奏於塞外築烏延宥州臨塞陰河陶子等五城以備蕃寇又以党項為盜於盧子關北木瓜嶺築壘以扼其衝

僖宗紀中和元年鳳翔節度使鄭畋與夏州節度使招拔思恭等同盟起兵傳檄天下敗黃巢大將林言尚讓於龍尾坡

### 振武軍節度使

方鎮表肅宗乾元元年置振武節度押蕃落使領鎮北大



都護府麟勝二州。代宗廣德二年，罷河中振武節度使，以所管七州隸朔北大都護府。及綏銀二州，東中二受降城。德宗貞元十二年，以振武之東中二受降城隸天德軍，以天德軍置都團練防禦使，領豐會二州。三受降城，武宗會昌二年，天德軍賜號歸義軍節度使。唐書：德宗時有王栩，唐朝臣，范希朝，閻巨源，憲宗時有李進賢，胡證，高霞寓，懿宗時有盧簡方，而渾瑊等，所至有聲。

憲宗紀：大曆十四年閏月，以朔方左留後單于副都護渾瑊為單于大都護，未幾卒。

通鑑續編：金振武軍，東中二受降城，鎮北及綏銀勝麟等

軍州節度營田使

憲宗紀元和五年以顏克進為單于大都護振武麟勝節度度支營田觀察押蕃落等使六年阿跌克進賜姓李氏

又紀九年張煦入單于都護府誅作亂軍士蘇國珍等二百五十二人貶前節度使李進賢為通州刺史

穆宗紀元和十五年正月以右神策大將軍張維清為單于大都護克振武麟勝節度使敬宗寶曆元年維清以東受降城瀆河歲久雉堞摧壞乃移置於絳遠峯南及是功成

太宗紀太和元年以李詠為單于都護克振武麟勝節度使六年九月詠招收黑山外契苾部落四百七十三帳

唐豐州 都督刺史

唐豐州與西受降城鄰當回鶻之衝也田頊殺為邊備  
重地德宗時刺史有任迪簡憲宗時有燕重昕李奉仙駱怡  
穆宗時有李進誠李岵文宗時有洋鐵李達僖宗時有蔡行李  
璠今考史大奈崔智辨李景略特以能名

唐書史大奈傳本西突厥特勒也貞觀初檢校豐州都督  
封賓國公

舊唐書高宗紀永淳二年五月突厥寇蔚州殺刺史李思  
儉豐州都督崔智辨率師出朝那山掩擊之德宗紀貞元十  
二年以李景略為豐州刺史天德軍豐州西受降城都防禦

使

### 五代定難軍節度使

唐僖宗時賜夏州節度使為定難軍其後李仁福據之至于  
彝殷入宋三傳而李繼捧入朝賜姓名道保吉其弟繼遷復以夏  
州叛子德明僭號國曰大夏由西平府遷興州凡二百五十八年  
元滅之

### 五代 宋 府州刺史

宋史職官志要郡文臣一員帶本路兵馬鈐轄武臣一員充  
副鈐轄次要群文臣一員帶本路兵馬都監武臣一員充副都監  
自五代至宋府麟二州為西夏兵爭之地與河套事少涉麟州

事故不列入府州折氏自五代保障邊疆庇蔭居民拒契丹于河  
纏免流亡于絕塞西夏東爭防戰尤力宋史謂折氏據府谷與李  
彝興居夏州初無以異而自從阮以下繼生名將世篤忠貞西北  
之捍無負于宋可謂知言彥質勤王汴京未伸壯略南渡不國  
浮沉樞府可福孤軍無授崇而敵庭百年節鉞編氓同伍然以一  
隅彈丸之地荷累朝帶礪之盟赤鄉衣錦桑梓蒙庥以視梁晉諸  
朝朝竊神器暮遭夷滅貽羞青史徒禍人國其賢不肖為何如哉  
今錄折嗣倫折從阮等五人知折氏守府州之事實焉

五代史嗣倫祖華魏後本雲中人其上代自李唐武德時  
任府谷鎮遏使嗣倫唐末為麟州刺史愛民如子時有趙

宣子郭伋之譽。

舊五代史從阮傳子可及父嗣倫麟州刺史同光後唐莊

宗中授府州刺史晉高祖時契丹欲盡徙河東之民以實遼東人心大擾從阮保險拒之晉少帝嗣位北邊絕好今從阮出師率兵深入邊界連拔十餘砦開運初領朔州刺史安北都護振武軍節度使漢祖建統晉陽升府州為永安軍折振武之勝州並沿河鎮隸焉。

宋史德辰傳父從阮自晉漢以來獨據府州控扼西北中國賴之周世宗建府州為永安軍以德辰為節度使乾德宗太祖三年卒以子御勳權知府州事太平興國二年卒先是

御勳徙鎮秦寧軍節度使弟御卿知府州年三十八卒子  
惟正知州事惟正歸朝以其弟張昌繼之火中祥符七年卒  
其弟惟忠繼知府州卒子維宣嗣知州事寶元仁宗中生  
於虐培刻紕為楚州都監擢其弟繼閔嗣州事皇祐仁宗  
二年卒弟繼祖嗣州事卒請以兄子克柔襲州事詔從之  
從子克行以葭蘆川戰功擢知府州在邊三十年善拊士卒  
戰功最多羌人呼為折家父卒子可大知府州從子可適可  
適子彥質

綱目金人犯城京師戒嚴折彥質為府州帥與姚古种師  
中各以兵勦至凡十餘萬人至汴城下而斡離不已退李綱

請詔古等遣之。三者乃令護送出之。勿輕動。以啟釁。時政令  
矛盾。故迄無成功。高宗紹興六年二月。以彥質簽書樞密院  
事。十二月。張浚還自鎮江。彥質與趙鼎請帝回蹕臨安。與浚  
策相左。彥質尋罷。未幾卒。

通鑑續編。金人破延安。自綏德渡河。圍晉寧。今葭州。知軍

事徐徽言。約可出兵夾攻。金人婁聞之。執可求子彥文為書。  
招可求。可求遂以所屬麟府豐三州降金。

遼天德軍節度使

豐州 刺史  
金肅州

遼史地理志。太祖平党項。遂破天德。盡掠吏民。以東。後置招  
討司。漸成井邑。乃以國族為天德軍節度使。任職者有宗瑤。有顏



刺有耶律寧先鐸軫楊佶惟蕭太見宋史太宗紀豐州刺史  
有閻貴金肅州刺史有耶律獨攬高承奴

遼史太祖紀神冊五年略地天地節度使宋瑤降更其軍  
曰應天宋瑤復叛拔其城俞瑤俘其家屬徙其民于陰山南  
金祖望復王敦朗帖子天德臨遼蓋在莊宗并梁之前一  
年也

金天德軍節度使 東勝州刺史

金史兵志諸路各設兵馬都總管府州鎮置節度使又地志  
皇統熙宗九年升天德總管府置西南路招討司以天德尹兼之  
大定元年降天德軍節度使兼豐州管內觀察使金初以天德軍

為西南路招討司耶律懷義治績昭著其後改軍有骨鯁訛古乃  
思石抹諸人而郭念忠世守其地蓋自李唐失取九有分崩五代  
十國割據爭雄者前仆後起河曲一域負朔方之險扼西北之要  
二李折郭分鎮四隅然其時振武朱邪憑陵于汴洛平夏拓拔縱  
橫於興靈府谷折氏介兩大之間當東西之衝地小回旋僅以自  
保惟天德一軍懸絕漠南郭氏以重臣後裔膺彼屏藩自唐季五  
代以迄遼金節樓世守舊物不失類射化之長南越同武靈之  
服騎射雖資閱閱必具勲勞而史冊缺略邊功無聞元初郭寶  
玉父子由金入仕馳驅西域大張撻伐地中之海富浪之國枕席  
行師無抗顏行疑其系世出自天德嫺習塞俗故偉烈豐功一

幟獨樹然亦可知金主中原漠視邊陲郭氏降後守天德者未有  
聞人宜其後汪古部落引敵南下金源於以不記也東勝州刺史  
有梁襄烏古論仲溫而伯德森哥守城致命有勁草疾風之烈焉  
金史耶律懷義傳初宗翰幹魯經略西方懷義領謀克從  
軍天會初帥府以新降諸部大小遠近不一令懷義易置之  
承制以為西南路招討使乃擇諸部衝要之地建成市通商  
質諸部兵革之餘人多墮之自足衣食歲給蓄牧蕃息矣

又郭企忠傳唐汾陽王後自子儀至承勳皆節鎮北方唐  
季承勳入遼子孫繼為天德軍節度至昌金降為副使天輔  
太祖中大軍至雲中企忠來降軍帥命同勾當天德軍節度

使事夫會太宗六年遷本軍節度使事

梁襄傳絳州人大定世宗三年進士邠州淳化令有善政

歷東勝州刺史練習典故

忠義傳烏古論仲溫大定二十五年進士累官東勝州刺

史

宣宗紀興定三年元兵徇東勝州節度使伯德竊哥死之

忠義傳元兵克西南路鄰郡皆降竊哥獨不屈貞祐五年東

勝州已破竊哥招集義兵拔荆棘復立州事興定三年真受

東勝州節度使旋被圍率眾潰走九月復被圍竊哥死之

明代河套寇邊始末

明代河套之患以明史考之起於英宗天順五年其後犯邊  
東則皇南川西則定邊營而榆林塞內劫掠尤夥楊一清曾銳深  
識偉論欲復套也言既不行身或誅戮甚矣庸君之朝不可與言  
大計也余子俊邊牆之策權宜一時而明人特為險阻乘障自閉  
朔方千里遂棄化外宗明國勢不振其兵力不能入新秦一步古  
今人不相反信哉唯成化九年王越紅鹽池一戰潛師深入搜其策  
穴為一時烜赫之舉然豈足諸掃龍庭絕大漠之烈哉故套前  
犯塞撮其大畧見一時之失計延榆總制各官專以備套非套內  
設官概不列入楊曾復套之策關係大勢節其大畧亦以見當時  
膺疆者未嘗無人也今以入寇始末附錄於後

明天順六年正月，毛里孩即茂里海入河套明史

成化元年九月，幹羅出即都爾綽先等入榆林塞，都御史

項忠等却之世法錄

二年五月，套虜二萬分五路入延綏境，以彰武伯楊信禦

之世法錄

三年，套人入寇，延綏孤山堡守將湯引積力戰死之延綏

鎮志

四年，比加思蘭即沙嘉阿爾斯蘭殺幹羅出，併其眾，結滿

都魯入河套，十二月寇榆林世法錄

五年，孛羅忽即博勒呼比加思蘭寇延寧延綏鎮志

六年七月，幹羅出入榆林，平虜將軍朱永敗之。閏九月，置榆林衛。楊江河套考

八年五月，以趙輔佩平虜將軍印，充總兵官，統判諸路軍馬。以余子俊為副都御史，巡撫延綏。十月，虜入延綏，鎮靖堡殺千戶黃琮，執夜不收以去。世法錄

九年，延綏從鎮榆林。九月，左都御史王越襲破虜營於紅鹽池。世法錄

十年閏六月，築邊牆東至清水營，紫城砦，西至寧夏花馬池營，東西長一千七百七十三里，一百二十三步，護壕牆厓砦八百十九座，守壕烽墩七十八座，邊墩十五座。楊江河套考

十五年滿都魯侵榆林塞

弘治十二年十月火節入榆林塞 延綏鎮志

十三年七月火節入榆林塞征虜大將軍朱暉提督軍務  
史琳從紅城子墩出塞夜搗虜巢虜北遁十二月火節復入  
套 延綏鎮志

十六年套虜入榆次塞千戶湯璽力戰死之 延綏鎮志

十七年火節入套總兵張安遣將追於黃河岸勝之 延綏

鎮志

正德元年楊一清總制邊務請守東勝復河套不報 明史

嘉靖元年套虜大舉入寇殺掠西安之邠州鳳翔之隴州



續文獻通考

八年十月吉囊 即濟農 俺答寇榆林總督王瓊却之時吉

囊分套地 紀事本末

十一年吉囊犯榆林 紀事本末

十三年七月吉囊入榆林塞遊擊梁震敗之於定邊 延綏

鎮志

十四年六月八日吉囊連入榆林塞梁震敗之 延綏鎮志

十五年秋虜入延綏官兵敗之 世法錄

十八年十二月虜入榆林塞殺守將宗隆 延綏鎮志

十九年三月虜入榆林塞總兵官周尚文擊之秋吉囊

由延綏西路定邊營入寇。總制劉天和斬獲甚衆。吉囊子阮小十王者殲焉。延綏鎮志

二十二年虜三萬犯延綏。游擊張鵬禦之。世法錄

二十四年七月虜二萬餘騎入寇。掠園林驛岔洛川等處。王維楨核邊記

二十五年八月虜三萬餘人自寧塞營入寇。越延安至三原涇陽。殺掠人畜無算。總督三邊曾銑請復河套。條陳八議。世法錄

二十六年曾銑復上復套方畧十八事。下兵部議不行。楊

二十七年三月總督曾銑棄市。明史

三十三年虜犯高永堡副總兵李梅死之。延綏鎮志

三十四年吉囊犯塞至府谷參將楊璘死之。延綏鎮志

三十六年都察院犯榆林副總兵陳鳳死之。延綏鎮志

四十年四月虜犯鎮靖堡十一月犯榆林至米脂守備謝

世勳戰死。延綏鎮志

四十二年七月虜陷黃甫川堡把總高秉鈞死之。延綏鎮

志

四十四年正月虜入塞總兵趙歲敗之於榆林邊外。延綏

鎮志

四十五年六月虜陷筆架城。七月薄安塞縣城。八月入甜水等堡。總兵郭江戰死。世法錄

隆慶元年正月虜寇小斤河墩。二月攻清平堡。三月攻康系塞。入榆科洞常樂堡。世法錄

萬曆四十三年閏八月吉囊入犯大柘油堡。中軍劉聚等死之。延綏鎮志

四十四年七月沙計寇高永堡。都司愈書王國安死之。延綏鎮志

天啓二年九月虜寇延安至鄜州。延綏鎮志

崇禎五年三月套寇以三百騎近塞。梅插罕即察哈爾求

款曹文詔擊之。明史畧

六年插罕自高永堡入犯。至石塞溝。九月入延安。至鄜州。套部為插罕所逼。火落太及古魯部未降。延綏鎮志

明楊一清修邊疏。明史一清傳。武宗初。總制三鎮軍務。尋

進右都御史。建議修邊。其畧曰。防邊之策。大要有四。修濬牆塹。以固邊防。增設衛所。以壯邊兵。經理靈夏。以安內附。整飭韋州。以遏外侵。今河套即古朔方。漢定襄。赫連勃勃統萬城也。唐張仁愿築三受降城。置烽墩千八百所。突厥不敢踰山。牧馬古之舉大事者。未嘗不勞於先。逸於後。夫受降據三百險。當千里之敵。國初舍受降而衛東勝。已失一面之險。其後

又輟東勝以延綏則以一面而遮千餘里之衝遂使河套沃壤為寇巢穴深山大河勢乃在彼而寧夏外險反南備河北邊患所以相尋而不可解也誠宜復守東勝因河為固東接大同西屬寧夏使河套千里之地歸我耕牧屯田數百萬畝有內地轉輸策之上也如或不能及今增築防邊敵來有以待之猶愈無策因條具便宜延綏安邊營石澗池至橫城三百里宜設墩臺九百座暖謀九百間守軍四千五百人石澗池至定邊營百六十三里平行宜牆者百三十一里險崖峻阜可剷削者三十二里宜為墩臺連接寧夏東路花馬池無險敵至仰容兵宜置衛興武營守禦所兵不足宜召募

白環慶以西至寧州宜增兵備一人橫城以北黃河南岸有墩三十六宜修復帝可其議大發帑金使一清築牆而劉瑾憾一清不附己一清遂引疾歸其成者在要害間僅四十里瑾誣一清冒破邊費逮下錦衣獄大學士李東陽王整力救得解仍致仕歸先後罰米六百石

明曾銑復河套疏明史曾銑傳嘉靖二十五年夏以原官兵部侍郎總督陝西三邊軍務念寇居河套久為中國患上

疏曰賊據河套後擾邊鄙將百年孝宗欲復而不能武宗欲征而不果使吉囊據為巢穴出套則寇宣大以震畿輔入套則寇延寧甘肅以擾關中深山大河勢顧在彼而不在我封

疆之臣曾無有以收復為陛下言者。蓋軍興重務也。小有挫  
失。媒孽踵至。鼎鑊刀鋸。面背森然。臣非不知兵凶戰危。而  
枕戈汗馬。切齒痛心。有日矣。竊嘗計之。秋高馬肥。弓矢勁利。  
彼聚而攻。我散而守。則彼勝。冬深水枯。馬無宿稿。春寒陰雨。  
壤無燥土。彼勢漸弱。我乘其弊。則中國勝。臣請以銳卒六萬。  
益以山東鎬禾二千。每當春夏之交。攜五十日餉。水陸交進。直  
搗其巢。材官驍發。礮火雷激。則寇不能支。以一勞永逸之  
計。萬世社稷所賴也。遂條八議以進。疏并下兵部。部臣難之。  
請令諸鎮文武將吏協議。詔予修邊費二十萬。銃乃益銳。合  
延經諸巡撫條上方略十八事。並優旨下。廷議。廷臣見上意。



向銑一如銑言帝忽出手詔諭輔臣曰今逐套賊師果有名  
否兵食果有餘成功可必否一銑何足惜如生以荼毒何  
嚴嵩因代鷹仇鸞時為銑所劾逮囚獄中獄中草疏誣銑  
搶敗不奏尅軍餉鉅萬銑至即日行刑

清鄂爾多斯七旗王公

清通考明嘉靖中元裔出類即達延汗之子賽因那蘭有

子九人長曰濟農即吉囊自套西擊破火節居套中自稱車臣

克汗子七人分有套地是為鄂爾多斯屬于察哈爾清初年察哈

爾其濟農琳沁於天聰九年明崇禎八年來歸似賜濟農之

說今招集諸部落順治六年編為六旗雍正九年又增設一旗



河套圖志 卷四

七壑第四

富平張鵬一扶萬編

河自塞外積石東入內地過漢郡二十有三行九千四百餘里東入於海北方巨浸莫於京焉然黎陽以下無舟楫灌溉之利而橫決害甚兼其利者實惟河套甯夏諸渠抑其次也漢唐都關中沃野千里朔方七壑即其一也然今套地惟打拉特杭錦兩旗既為膏腴套內則準噶爾扎薩郡王五勝等五旗半皆沙漠土人謂之沙梁裏以其界接陝之北邊故府神榆橫六縣居氏以地勢毗連耕墾較易往往擇地引流為鋤口計稽之史籍實奈

漢上郡西河高堂白土各縣疆域詳見沿革卷內非河外五原朔  
方北也。而世概以蒙地目之誤矣。今以西漢考之。漢初攘匈奴於  
上郡西河朔。方河西開田官。斥塞卒六十萬戍田之。

漢書食貨志。初置張掖酒泉郡。元鼎五年。上郡朔方西  
河河西開田官。斥塞卒六十萬戍田之。注師古曰開田始開  
屯田也。以開田之官。廣塞之卒。戍而田也。匈奴傳。匈奴遠遁。

幕南無王庭。漢度河。自朔方以西。至今居。往往通渠置田  
官。吏卒五六萬人。稍蠶食。地接匈奴以北。

蓋漢代募民實邊。倡始承令。然窮荒遠適。常情所難。貸粟  
縣官。費又不貲。故武帝開西域。城朔方。守邊養士。多資也。成朔

方逼近匈奴常成不足又有七科之譴勇敢之殺戍卒出自田間  
墾土殖穀用其所長肥饒廣衍收穫倍積故衛青七出幕南去病  
六擊匈奴萬騎雲屯無憂供億其事大抵以農都尉北假田官督  
之

武帝紀天漢四年發勇敢士出朔方

王莽傳三年遣尚書大夫趙並使勞北邊還言五原北假

膏壤殖穀注師古曰北假地名

異時常置田官乃以並為田

木將軍殺戍卒屯田北假以助軍糧

朔方渠利亦始漢代當南河北河之間因河轉漕見虞詡一  
疏漢代船運又開後世之先矣

後書西羌傳順帝永建四年尚書僕射虞詡上疏言雍州  
沃野千里又有龜茲上郡縣名鹽池以為民利水草豐美土  
宜產牧牛馬銜尾羣羊塞道北阻山河東沉據險因渠以溉  
水春河漕用功省少而軍糧饒足故孝武克武築朔方開西  
河置上郡皆為此也

漢末戎夷充斥五原朔方郡縣邱墟至北魏時五原屯田又  
有元儀渠利之興於六鎮者當在沃野間矣

魏書太祖紀登國九年春三月使東平公元儀屯田於河  
北五原至於稠陽塞外

孝文帝紀十二年詔六鎮雲中河西及關內六郡各修水

田通渠溉灌

隋唐豐州漢朔方郡地也。領永豐九原二縣。唐又置天德一軍。受降西域。當回鶻塞道之衝。豐州七田。婁師德唐休璟李景略

盧坦最有名。咸應永清陵陽三渠。灌田數百頃。至四千八百頃之  
多。歲收穀四千餘萬斛。邊防水賴。士馬飽騰。自來經營塞北。未能  
與之京也。

舊唐書婁師德傳。天授初。授左金吾將軍。兼檢校豐州都  
督。依舊知營田使。則天降書勞曰。自卿受委北陲。總司軍任。  
往還靈夏。檢校屯田。收率既多。京坻遽積。不煩和糴之費。無  
復轉輸之艱。西軍及北鎮。北數年。咸得支給。勤勞之誠。久而

彌著

唐休璟傳調露中以斬獲奚獨胡超拜豐州司馬永淳中  
突厥圍豐州都督崔辯智戰沒朝議欲罷豐州休璟上書曰  
豐州控河過賊實為襟帶秦漢以來列為郡縣田疇良美尤  
宜耕牧隋季喪亂不能堅守乃遷徙百姓就寧慶二州貞觀  
之末始募人以實之西北一隅方得寧謐今若廢棄則河傍  
之地復為賊有非國家之利也朝廷從其言豐州復存

又李景略傳為豐州刺史兼御史大夫天德軍西受降城  
都防禦使迫塞苦寒土地鹵瘠俗貧難處景略節用約己  
與士同甘苦將卒安之鑿咸應永清二渠溉田數百頃公私



利焉。

唐書地志。豐州九原縣。永徽四年置。有陵陽渠。建中三年。凌之。以溉田。置屯。尋棄之。貞元中。刺史李景略。開溉田數百頃。

憲宗紀。元和七年。李絳奏。振武天德左右良田。可萬頃。請擇能吏。開置營田。可以省費足食。上從之。絳命度支使盧坦。經度用四年之間。開田四千八百頃。收穀四千餘萬斛。歲省度支錢二十餘萬緡。邊防賴之。

趙宗不競。麟府以北。悉入西夏。天德一隅。遼金迭據。其籍邊穀。以養軍士。似舊可知。

明初守東勝，跨河北，以衛套中。其後虜入套地，為患西陲。觀楊瑄、楊一清諸疏，所陳棄膏壤為荒穢，漢唐屯戍列障之盛，自是不復覩矣。

明九邊考：正統間，失東勝城，退守黃河套中膏腴之地，令民屯種，以省邊糧。

楊瑄移堡防邊疏：河套屢為邊患，近有百戶朱長年七十餘，自幼熟游河套，親與臣言套中地廣田腴，亦有鹽池、海子、葭州等，多可出外種食。

楊一清修理邊牆疏：復守東勝，因河為固，東接大同，西接寧夏，使河套方千里之地，歸我耕牧，開屯田數百里，用

省內運延綏寧夏一帶邊防設法整頓賊來有以待之戎  
得休養生息東勝之地未必終不可復也

清帝入關套酋歸順列為屬藩諸旂款貢服教畏威內地編  
氓入套地方輸租開墾視同世業套內迤南之地本舊西河上郡  
各縣故封明築邊牆視同甌脫及改設縣治土地瘠隘不足自  
贍伏盤界石日擴日遠計府神榆橫定靖六縣邊外伏盤地界東  
至府谷禮字地與山西河曲縣義字地接壤西至定邊縣五虎洞  
與甘肅鹽池縣邊外接壤北至準噶爾郡王扎薩克五勝鄂套  
等旂牧地暨東勝縣糧地南至榆橫等縣邊牆東西廣一千三  
百餘里南北袤五十里或百餘里二百餘里不等除明沙鹼灘外

已墾熟地一百四十二萬七千七百五十一畝一千九百四十二  
村居民一萬六千一百餘戶境內草路東達歸綏西達靈夏自  
康熙乾隆以至清季漢蒙大員盡邊外地自五十里推至新墾  
二百里而遙為榆林各屬民人耕種之區雖曰口外邊地實榆  
邊界石屯田畫疆編戶正今日經界之要務也

明劉寬榆鎮形勢論余子俊撫延綏築邊牆二千里創榆  
林衛清查陝人有伍籍詭落及罪徙謫者實之擇其才子弟  
建學立師教之又開界石外地興屯田得糧數萬石自是榆  
為重鎮懷遠縣志邊外五十里原為中國禁留之地康熙  
二十一年貝勒達爾奏乞近邊四十里之外准其遊牧三十

六年貝勒松拉普奏請准與內地民人合夥種地。開邊之  
由自此。五十八年命侍郎拉都渾以三十里立界。界內之地  
准民租種。每牛一頃。准蒙古收取內地租糜子五斗。至雍正  
八年仍以五十里定界。命附近地方官折徵糧草。十年鄂爾  
多斯荒歉。復准蒙古情願招民人越界種地。收租取利者  
聽其自便。從此內地民人以口外種地為恒產。蒙古亦資地  
租為瞻養。乾隆八年命總督慶復尚書班第臨邊定議  
永遠章程。無論界內界外俱以舊年種熟之地五十里  
為界。任民耕種。界內者照舊租不加。其界外者每一牛頃  
用二牛之力以耕一日者為一晌。用二牛之力耕一年者為一頃。

除舊租子一石銀壹兩之外再加糜子五斗銀五錢設神木  
理事同知一員專司稽查牛只及一切關廠逃盜雀爭等事  
同彝漢部郎輪流巡查就也辦理完結又每堡各設總甲一  
名盤頭四名令其不時稽查稟報一切事件由是而事有專  
責中外人民無紛更滋擾之患道光十七年復於牌界以內  
地畝報括內地民人租種每頃每年租銀五錢糜子五斗獲  
利更多蒙漢西利如有負租者官為嚴追援遠年債務一  
本一利之例速為了結邊外所謂伙盤者民人出口種地春  
出冬歸暫時伙聚盤居之名猶內地之村莊也今則二百年  
來所墾逾廣距邊逾遠生聚於斯漸忘主客矣所謂黑

界者定例五十里壘築石堆或土堆以限之謂黑界者不耕之地其色黑也牌界者每堆有牌編號地蒙員收掌查界則植杆挂之也

近查府谷界地東臨山西河曲距縣城十五里西接神木特牛川北連準噶爾牧地與東勝縣糧地南即邊牆東西長一百七十餘里南北寬五十里至七十餘里不等總計四百七十八村居民四千九百八十二戶已墾山地川地三十七萬四千四百三十五畝物產以米穀高粱為最夥煤礦之富所在皆是惜運售多艱天然利權均置之不理耳其境內有黑界十里係光緒三十一年領照認墾歲租由縣代徵每年

約收一千六百餘兩

神木縣伏盤地界址。東至府谷交界孫系梁。東面雙栢樹梁。西至榆林屬大窰當。巴子梁。西南塌土墩。東西寬二百五十餘里。北至東勝縣糧地。與郡王旂牧地。西北扎薩五勝旂交界之東。萬壽地。南至邊牆。計長百里。至百五十里不等。總計四百零二村。二千九百五十二戶。已墾灘地。沙地。山地。共計二十四萬六千九百五十八畝。但地質磽瘠。不能按年耕種耳。又有插花地二處。一名通哈朗都喀兔。距縣地二三百三十里。南北長七十里。東西寬十里。至二十里不等。居民三百餘戶。地六萬八千畝。西鄰五勝旂。南接扎薩境。東連郡王



地係宣統二年五勝旗蒙人聚眾焚燒神木商人呂萬有等財產經綏陝西方派員公議按六成賠償賣通哈朗都喀兔之地以與神民一名三里界距縣城一百八十餘里東西五十餘里南北長三里居民二百戶地四萬餘畝北界扎薩旗營盤地東鄰郡王旂打爾哈牧場西連東萬壽地南至東勝縣八里界報地該兩處訴訟在神木對於公攤款等亦與內地負擔無異

神木縣志邊外屬地東起永興堡邊外西迄高永堡邊外延袤二百五十餘里近十年中蒙旗屢次展界疆域之廣數倍於昔光緒二十九年經前督墾大臣貽穀奏明至活機兒

兔溝南畔已墾之地仍歸陝西各州縣分管而神木屬地始  
有定界東至郡王祈特牛川西石板而秦東南大榆樹梁與  
府谷邊外屬地交界距縣城一百四十里至北活機兔溝南  
畔與東勝縣轄地交界距縣城一百四十里東北至郡王旗  
雙兒廟迤東北偏北石圪臺地方與東勝縣境交界距縣城  
一百六十里西北至阿色兔與東勝縣境交界距縣城一百  
八十里東西相距一百五十里南北相距一百四十里面積  
約二萬一千餘方里

懷遠縣志縣東北五勝旂界東南自縣屬五台廠起西北  
至縣之阿色采當計一百八十里與鄂套旗接東北自縣屬

廟坨上起西南至縣屬唐馬窰計一百二十里與鄂套旗接  
正東自縣屬許家沙畔起正西至縣屬天池海子計一百二  
十里與定邊縣蒙地接正北自榆林縣阿刀兔起正南至  
縣屬鴿子灘計一百七十里與鄂套旗接縣西北鄂套旗界東  
南自縣屬姬家峁起西北至縣屬豬拉兔計一百七十里與  
定邊縣蒙地接東北自五勝旗衣當灣起西南至縣屬熊子  
梁計一百二十里與定邊縣邊牆接正東自五勝旗塘馬窰  
起正西至縣屬牌于灘計八十里與定邊蒙地接正北自五  
勝旗胡拉梁起正南至縣屬邊牆壕計一百四十里與邊牆  
內地孤山澗接

靖邊縣志龍門鎮定鎮羅新城寧塞五堡共二百七十  
六村二千一百十戶共種蒙地五萬六千四百九十一晌合  
三十三萬一千六百餘畝共納租銀三百七十兩零寧條梁  
四十六戶共納租銀三十五兩八錢舊永院三十六座共納  
門面租銀十三兩二錢光緒中知縣丁錫奎查勘蒙地詳  
文內稱奉飭查得五勝鄂套旂邊地共有種地漢民一  
千三百五十九戶共男女大小八千三百七十二口均在界  
內共種蒙地五萬六千四百九十一晌每地一百二十晌  
為一頓每年出租銀四錢八分共納租銀三百七十九兩  
一錢零其界地東至揚橋畔與橫山為鄰西至二十塘與定

邊接壤北至蒙旗牧地南即是牆東西廣二百餘里南北  
袤三十里至七八十里不等其沿邊牆一帶具係土凌靠牧  
之方蜿蜒皆沙中為平原由石渡口塘至小灘子為龍鎮兩  
堡肥美之地紅柳塘至西澗長澗等處地甚腴沃西三  
堡人民爭利之紅柳小灘橋畔一帶有法國人於光緒八  
年在此建堂勸教歷年推買蒙地數千晌前遇年荒招集  
山陝各處漢民陸續墾種其餘卑縣所接一帶蒙地  
沙多土少草廠不旺往往夏月飛霜水亦絕少行百數  
十里偶見一水其味苦鹹不能灌田蒙民漢民均屬奇少  
唯現在蒙漢洋人和耕無事再查卑縣寄居洋人自

小橋畔起至城川口止共租種蒙地四千七百三十五晌  
半每年共納租錢三十七串六百文又另開城川蒙地五  
百晌每年納租折交馬一匹共隨教民七十一戶男女大小  
三百零七名口合併聲明

丁錫奎查勘洋人築寨稟內稱奉督憲陶札開轉  
准理藩院咨查甯夏理事司員呈報據阿拉善親王旂員  
報稱有居住租種道路素海三盛公之法國洋人修築寨  
子又據安邊理事通知多齡申報甯條梁堡小橋畔住寄  
洋人修築土寨各等情一案札仰迅即查明如在應管邊  
界內居住務將築寨情形飛速稟道倘係甘肅所轄非陝

境邊界亦即分晰明白限行具覆等因奉此卑職遵札確  
查小橋畔洋人去年修築土寨一座前奉本府札飭卑職  
已稟明在案今復奉憲台札查卑職親詣該處查勘梁  
鎮紅柳河小橋畔天主堂即素海三盛公之法國洋人去年  
教士係馬文明茲有教士賈名遠現在教堂據稱去年廿肅  
回亂該教士馬文明等即在教堂周圍辦修土寨一座其地  
皆早年買到其工皆僱人興築原為防守教堂起見並無  
外意詢其龍票取出看閱係光緒初年來此傳教之護牌  
內有欽奉上諭字樣故稱龍票亦未聞載修築事宜其  
所修土寨即卑前縣王俊儀查稟之案茲查得周圍土

牆一百六十丈，牆高二丈，底寬一丈五尺，收頂六尺，影牆五尺，堞口去年未開，今已齊開，此洋人修寨實在情形也。

又會查蒙地稟文內稱：奉札飭查自晉邊起至甘邊止，長若干里，係何地名，能否一律開墾，有無妨礙蒙民遊牧，約可開地若干頃，詳細妥議，職錫奎會雙琳於本月二十四日，同到城川口一帶查勘蒙地，並接見蒙員甲爾古奇、吳撒路及其掌界蒙民年老者，周詢各節，僉稱：陝北蒙地遠避晉邊，周圍千里，大約明沙扒拉、酸灘柳勃居十之七八，有草之地僅十之二三，明沙者細沙飛流，往往橫亘數十里，扒拉者沙灘陟起，忽高忽陷，累萬累千，如阜如阮，絕不能墾。



鹼灘者，低平之地，土粗味苦，非鹼非鹽，百草不生，柳勃者似柳條而叢生，細如人指，長僅三五尺，夏發冬枯，蒙人僅藉以圍牆，並作柴燒，但連根盤錯，其地亦不能墾，此外並無深林茂樹，艱草肥美之地，惟硬沙梁，草地灘，可墾者絕少，往西一帶，又苦無水，不能居住，偶有草地，必待冬月積雪，然後放馬，可以暫到，年來草廠不旺，蒙民生計甚艱，若再開墾生地，蒙民實更窮迫，卑縣靖邊一帶，僅有小橋畔、城川口、西處，除法國洋人早年租種，不計外，約可墾地百頃，尚屬最上之區，然僅宜糜、蘇兩種，餘中下之地，更可想已，再四籌酌，未敢輕議屯墾，計東北自晉邊黃河畔，由西南迤邐

至東北抵甘肅橫城止約馬路一千二百餘里除中多明沙  
扒拉鹼灘柳勃概不宜墾外其草地僅有十之二三再與蒙  
人游牧之地必留一二成可墾者僅十分之一兼以土高天  
寒地瘠民稀勢不能墾合併登明

定邊縣邊外界地東至牌子塘與靖邊為鄰西至五虎洞  
與甘肅鹽池縣接壤北至崇旗牧地南至邊牆東西廣二  
百餘里南北袤六十里至百五十里不等其沿邊牆一帶  
雖屬平原然以地勢乾燥土質磽瘠可耕之地尚不及十之  
二靠牧之地方蜿蜒皆沙中間可耕可牧之地為數無多惟  
第四區邊地沿八里河流域土地肥美樹木葱鬱畝田宅宅

幕布星羅昔為白草荒涼之域今化為人烟雞犬之場再北  
至城川口葦箕灘接近地方亦係膏腴之田惜為洋人買去  
多半設不嚴重交涉數十年之後漢蒙耕牧之地恐盡為  
外人勢力範圍矣至第一區口外新坑車輪溝五虎洞為  
新放之地土質尚可但乏灌溉之利少東至三道泉二道川  
地方雖耕地無多實為漢民天然牧場採薪檢糞皆在  
於此總計四區口外邊地共三百五十二村居民二千一百  
七十九戶墾地灘地三十萬零一千八百三十六畝年納歲  
租錢二百五十餘千由該旂邊官向收頭直提計取

民國初以伊盟畫歸綏遠區域由都統管轄八年春有都統

派員畫陝北蒙旗地界事。經陝邊榆神六縣公民設會請願拒絕。陝省長因派員調查沿邊墾地情形。而駐京參眾議員陝西有議員分咨行政官署指陳綏遠畫界有害陝北沿邊六縣人民之治安。畫界一事始行停止。蓋地利民生攸關。未得以冒昧從事。貽地方之害也。其省議會建議案曰。查綏遠畫分特別區域。原為慎重邊防起見。然詳按輿圖。綏城去烏審鄂套等處遠在千數百里。一旦蒙疆有事。鞭長莫及。榆林為陝北鎮守使道尹所駐。距邊牆十里。徵兵轉餉。較綏城為便。值國帑財政竭蹶。又何必徒增糜費。此為固邊防計。不必畫界者。一。伊克昭盟七旗。除達拉特抗錦西旗。區處河濱。不計外。其餘準郡烏扎鄂五旗。皆接陝邊六縣。清

初於邊牆外直北有禁留地五十里。嗣又開放邊界遠至蒙北二  
百里。自清初至今多歷年所。戶口無慮十餘萬。家族財產。廬舍墳  
墓。無一不在陝籍。一旦畫分改隸。絕籍。顯非民情所願。且奪此與  
彼。六縣立形減削。人情紛擾。必滋事端。此為邊境人民計。不必畫  
界者。又其一。以上理由。應請綏遠永遠停止畫界。以恤邊民。陳請  
國會外。請省署轉咨國務院查照施行。其事始行停止。以涉及套  
地附記於此。

後套旗地。於光緒季年。朝議以昭毅駐歸綏開墾。於烏蘭察  
布伊克昭兩盟。派員設治。分收租賦。一變游牧之習。五原境內有  
西盟水利渠之設。渠引河水。面徑四丈。底徑二丈。行舟往來。載物

無阻。曰長勝。曰老郭。曰塔布。曰剛目。曰沙河。曰義和。曰豐濟。曰纏  
金。凡八渠。面積八百里。溉田萬頃。以東西水利二局。理其事。內烏  
刺。或旂一千七百餘頃。四子部落地一千四百餘頃。梳錦旂地四  
千頃。達拉旂地約二千頃。初定地租銀兩。蒙旂水利局各分一半。  
後改蒙三局七。自光緒二十九年。至三十四年。貽以吏議。獲罪。墾  
務中止。近人張相文。談墾務者。謂後套公私所墾。皆在漢時南河  
北河之間。南河之南。今西河也。河環三面。南互沙梁。地勢少高。河  
不能及。雖有壑種。十無五六。今如由西河上游。磴口以下。沙梁之  
北。廣闊橫渠。與南北兩河並。又東至托城。匯水於古沙陵湖。復  
由橫渠北岸。多開支渠。收其粗入。以贍工作。則南河之南。沙陵

之北凡鄂套 右翼中旗 杭錦 右翼後旗 達拉 左翼後旗 準噶 左  
翼前旗 諸旗地悉變腴田 此利在內套者也 錄之為墾務備一  
說

河套圖志 卷五

水陸交通 第五

富平張鵬一扶萬編

秦漢塞道

昔元祖以塞外置驛自誇大功牛站馬遞徧設漢北華夷控制如履戶庭宜其雄視一代矣然秦雲陽道北達九原唐通回紇驛館六十視後來豈多讓耶今以秦入塞直道考之自九原起南至甘泉塹山埋谷千八百里則今之涇陽至延榆北達烏刺忒旂之五原縣皆秦建築故道隋榆林馳道實因其舊也

史記始皇紀二十五年除道自九原抵雲陽蒙恬傳使恬



開馳道自九原抵甘泉塹山堙谷千八百里。

漢塞道有二。一朔方雞鹿塞道。

後書和帝紀永元元年夏車騎將軍竇憲出雞鹿塞度遼將軍鄧鴻出朔陽塞南單于出滿夷谷與北匈奴戰于稽落山登燕然山刻石紀功而還二年冬遣行中郎將班固報命命南單于遣左谷蠡王師子出雞鹿塞擊北單于於河雲北大破之闕駟十三州志窳澤縣南有大道西北出雞鹿塞在今騰格里泊東北西拉木倫河西岸一五原高闕朔陽塞道匈奴款邊乞降地也。

通鑑世祖建武二十四年匈奴八大夫人共議立日逐王比

為呀韓邪單于款五原塞願永為蕃蔽捍禦北虜後書  
南匈奴傳章帝建初八年北匈奴三木樓此言大人稽留氏  
等率三萬八千馬二萬匹牛羊十餘萬款五原塞

元和志勝州榆林縣武川城北出石門障即光祿城柘陽  
塞古入匈奴大道

漢初匈奴犯邊朔方蕭關烽火屢驚武帝開西河四郡斷匈  
奴右臂朔方以西敵騎跡消而五原高闕遂為塞道之衝寰宇記  
引冀州圖云周秦漢魏以來出師北伐凡三道中道正北發太原  
經雁門馬邑雲中出五原塞直向龍城即匈奴十月大會祭天之  
所也二道東北發直上谷以東向中山經北平漢陽向白檀遼西

歷平岡出盧龍塞，直向匈奴左地，即左賢王所理處。一道西北  
發，直上郡以西，自隴西經武威、張掖、酒泉、敦煌，歷伊吾塞，匈奴  
右地，即右賢王所歷處。自晉陽以北，地勢漸寒，平城、馬邑、凌厚  
二丈，雲中、五原，積冰四五千當作十尺，唾出口成冰，牛凍角折，而  
畜收繁滋。今以諸說言之，五原朔方東西二道塞，皆入塞中道。  
魏征蠕蠕，隋征突厥，多出五原道。元征西夏，清征噶爾丹，取道  
寧夏，雞鹿塞道也。

### 唐宋內外塞道

唐參天至尊道，於回紇以南，突厥以北，置驛六十有八，以達

唐書回紇傳吐迷度入朝渠領共言請於回紇突厥部治  
大涂說天參至尊道世為唐臣乃詔磧南鷓鴣泉之陽置  
過郵六十八所具群馬湏肉待使客歲納貂皮為賦拜吐迷  
度瀚海都督

唐又有夏州至豐州驛八夏州至天德軍急驛十一從天德  
軍取夏州乘傳奏事四日餘便至京師

唐書憲宗紀元和八年夏州至豐州初置八驛

元和志元和八年冬回鶻南過磧取西城柳谷城討吐蕃  
西城防禦使周懷義表至朝廷大恐中書侍郎平章事李吉  
甫請自夏州至天德軍復置廢館十一所以通急驛上從之

又云頃年每有回鶻消息須經太原取驛路至關下及奏報到已失事宜今自新宥州北至天德軍置新館十一所從天德軍取夏州乘傳奏事四月餘便至京師

舊唐書地志有賈耽方域道里數其入回鶻要路有七三為夏州塞外通大同雲中路四為中受降城入回鶻路今載其說分注所知於下

夏州通大同雲中之路由夏州北渡烏水去州城三十里經賀麟澤拔利干澤過沙次內橫割沃野泊長澤百二十里至可朱渾水源又經楊城口澤橫割北門突訖利泊石子嶺百餘里至阿顏泉又經大非苦鹽池六十二里至賀蘭驛又經庫也干泊彌

俄泊榆祿渾泊百餘里至地地頽澤又經步拙泉故城八十八里跋沃那水經胡洛鹽池紆伏于泉四十八里渡庫結沙一日步納沙二十八里過橫水五十九里至什賁故城又十里至寧遠鎮又步屯根水五十里至安樂成在河西塽其東城有古大同城今大同城故水濟冊也

大同城天德軍所駐也烏水即黑水胡洛鹽池即漢朔方縣金蓮鹽澤詳山川考什賁城漢朔方縣城也李益揚城驛舍詩何處可潸然楊城烽樹邊今朝望鄉客不飲北流泉又渡破納沙詩眠見風來沙旋接經年不省草生時莫言塞北無春到縱有春來何處知破納沙頭雁正飛鵬鴉泉

上戰初歸。平明日出東南地。滿磧寒光生鐵衣。

北經大泊十七里。至金河。又經故後魏沃野鎮城。傍金河。過古長城九十里。吐俱麟川。傍水行。經破落汗山。賀悅泉。百三十一里。至步越多山。又東北二十里。至纒特泉。又東六十里。至賀人山。山西磧口。有詰特犍泊。

大泊當即今喝老圖泊。金河即薩哈賴喀河。吐俱麟疑坤都倫之轉。今坤都倫河也。

吐俱麟川西有城。城東南經拔厥那山。二百三十里。至帝剗達城。又東北至諾真水。又東南百八十里。經古可汗城。至鹽澤。又東南經烏咄谷。二百七十里。至古雲中城。又西五十五里有綏。

遠城皆寧夏以北蕃部所居

拔厥那山疑即魏道武帝擒直力犍之拔紇那山諾真水  
今茂安旗之塔爾渾河絡遠城也唐東受降城以北經遠牽  
得名也

中受降城入回鶻道自城正北如東行八十里有呼延谷谷  
南口有呼延柵谷北口有歸唐柵東道也入回鶻使所經又五  
百里至鵠鶻泉又十里入磧經慶鹿山鹿耳山錯牙山八百  
里至山鷲子井又西北經密粟山達里洳野馬洳可汗泉橫  
巔緋泉鏡泊七百里至回鶻牙帳

中受降城入回鶻道計程一千一百里考唐書回紇初



居娑陵水去長堯千九百里。後南徙突厥舊地。依烏德鞬山。  
直南去西受降城一千七百里。道里尚合。鷓鴣泉十里入  
磧。即古瀚海。今之戈壁。方觀承從軍雜記。瀚海東西亘萬  
餘里。徑千里。或四五百里。沙石直雜。無草木。山色盧黑。  
亦無生氣。廢鹿耳等山在磧內。當為察哈齊老圖山。  
達里野馬諸泉泊。當即土謝圖汗部之胡爾汗鄂倫泊。  
三音諾顏部之鄂羅克泊。綑查罕等泊也。李益過鷓鴣  
泉詩。綠楊著水草如烟。舊是胡兒飲馬泉。幾處吹笳明月夜。  
何人倚劍白雲天。從來凍合關山道。今日分流漢使前。莫使  
行人照容鬢。恐驚憔悴入新年。

又案唐代回鶻移牙烏德捷山即今章鄂山鄂爾坤之  
間以康熙時西師自歸化城西北至推河驛站考之已二千  
餘里又東至章鄂山約五六百里同時殷提督化行於二月  
二十五日自寧夏北發至五月初四日始抵土拉河凡兩月  
餘計程已四千餘里賈氏塞外道里記西城牙帳千七百  
里別道鷓鴣泉北至牙帳千五百里與今塞道相差約五  
六百里意者唐時至牙帳或別有道否則一千字有誤也  
又別道自鷓鴣泉北經公主城眉間城怛羅思山赤崖鹽泊  
渾義山盧門山水燭嶺千五百里亦至回鶻牙帳東有平野西  
據烏德捷山南依嗚昆水北六七百里仙娥河河北岸有富貴城

以上計程一千五百里。鵠鵜泉至西城二百里。元和志二

誤三。與唐書合。烏德提山。一統志以為抗夔山之東支峯。

今章鄂山。齊西南謂回訖牙西之烏德提山也。温昆水。今鄂

爾坤河也。仙娥河亦轉錫蘭。今色梭格河也。一統志和林東

北有斜連河。河有古城。賈耽地志之仙娥河富貴城也。

又正北如東。過雪山。松樺林及諸泉泊千五百里。至骨利幹。

又西十三日行。至都播部落。又北六七日。至堅昆部落。有牢山劍

水。

舊唐書骨利幹北距大海。去京師最遠。貞觀中遣使入

朝。太宗列其地為玄朔州。都播。唐書亦曰都波。北濱小海。西

豎昆南回紇分三部由骨利幹西行十三日至都播

唐書黠戛斯古豎昆國也直回紇西北三千里南依貧

漫山地夏沮洳冬積雪人皆長大赤髮皙面綠瞳其君曰

阿熱駐牙青山阿熱牙至回鶻唐德宗時回紇改為回鶻牙

所橐它四十日行回熱牙北六百里有仙娥河東北曰雪

山地多水泉青山之東水曰劍河偶艇以渡水急東北流經

其國合而北入於海貞觀中入朝太宗以其地為豎昆府乾

元中為回鶻所破不能通中國後狄語訛為黠戛斯回鶻稍

衰阿熱自稱可汗殺回鶻可汗徙牙牢山之南牢山亦曰賭

蒲距回鶻舊帳馬行五十日會昌中送太和公主還朝遣

使注吾合素至京師武宗大悅使掌拔冊君長為宗英  
雄武誠明可汗

何秋濤朔方傳乘骨利幹今俄屬伊聶謝斯科地都播  
今俄屬德波斯科地望昆當在今阿勒坦山北俄托穆斯科  
地今唐努烏梁海漢堅昆唐黠戛斯元吉利吉思地有唐  
努山北連薩連嶺山高林密當即牢山烏魯克穆河與貝克  
穆河合流為克穆克穆池元史謂之欠欠州即此劍水北流  
入俄境為葉尼塞河

又自牙帳東北渡仙娥河二百里至室韋

舊唐書室韋傳契丹別種也居撻越河北其國在京師

東北七千里，東至黑水靺鞨，西至突厥，南接契丹，北至於海。  
有九部：嶺西室韋、山北室韋、黃頭室韋、大如者室韋、小如  
者室韋、婆高室韋、訖北室韋、駱駝室韋等，並在柳城郡東  
北，近者三千五百里，遠者六千二百里。大室韋落部，傍望  
建河居。唐書作室建河。源出突厥東北界，俱倫泊，屈曲東  
流，經西室韋界，又東經大室韋界，又東經蒙兀室韋之北。  
落袒室韋之南，又東流，與那河、忽汗河合，又東經黑水靺鞨  
之北，北黑水靺鞨之南，東流注於海。朔方備乘：南室韋在草  
臣汗部東，黑龍江北境，北室韋在興安嶺北，鉢室韋、大室韋  
皆今西卑利部也。望建河，今額爾古納河，俱輪，即呼倫泊，那

河當即嫩江。忽汗河當即呼爾哈河。三水合流。東為黑龍江。  
東北入海也。

骨利幹之東。室韋之西。有鞠部落。亦曰祇部落。其東十五日  
行。有俞折國。亦室韋部落。又西行十日。有大漢國。又北有骨師國。  
骨利幹都播二部落。北有小海。冰堅時。馬行八日。可渡海。北多大  
山。其民狀貌其偉。風俗類骨利幹。晝長而夕短。

唐書回鶻傳下。鞠居拔野古東北。有木無草。地多苔。無羊  
馬。人秦鹿若牛馬。惟食苔。俗以駕車。以鹿皮為衣。又有俞  
折者。地差大。俗與拔野古相埒。少羊馬。多貂鼠。大漢者。處鞠  
之北。饒羊馬。人物碩大。故以自名。與鞠俱鄰於黠戛斯。劍海

之瀕此皆古所未賓者當貞觀逮永徽奉貂馬入朝或一再  
至朔方備乘鞠部落今俄屬義爾古德斯科地大漢國今  
俄屬土爾汗之地骨利幹都播北之小海當為貝加爾湖馬  
行八日計地望非差也

回鶻有延姪迦水一曰延特勒泊烏德犍山左右噶昆河獨  
邏河皆屈曲東北流至牙帳東北五百里合流泊東北千餘里有  
俱輪泊泊之四百皆室韋

北部湖泊大者唐努烏梁海境有庫蘇古爾泊東西狹  
南北廣長一百六十餘里廣六十里中有魁博爾多克山  
俱輪泊在其東北當即延姪迦水也噶昆河即鄂爾坤河獨



邏河即土拉河，合流於土謝圖汗部，其地當杭愛山麓，北流入色棱格河，元和林城舊址，所謂烏德犍山左右也。俱輪泊，今呼倫池，在黑龍江省西北，克魯倫河自西南流入，額爾古納河自東北流出，鄂爾順河自車臣汗部北流入，元明時名闊連海子，長經二百餘里，周五六百里。

宋時延州入平夏，有東北、正北、西北三路。

宋琪言邊事疏，從延州入平夏，有三路：一東北自豐林

縣葦子驛，至延綏縣，接綏州入夏州界，一正北，從金明縣入

蕃界，至蘆關，四五百里，入平夏州南界，一西北，曆萬安鎮，

經永安城出洪門，至宥州，四五百里，是夏州西境。

清伊盟七旗内外道

清內蒙古驛道凡五均於水井形勝處設驛站而自歸化城  
至鄂爾多斯八百餘里設驛八自殺虎口至烏刺忒九百餘里  
設驛七自張永口至四子部落五百餘里設驛五

而由府谷縣北至後套路凡九站六百九十里

由府谷麻地溝北出邊牆口四十里至古城七十里至納  
林八十里至沙梁過打拉地九十里至四合店又西北行七  
十里至西旺水北行八十里渡黃河至南虎槍凹西北行一  
百里至公爺店六十里山嘴又西行至後套

由四合店至歸化城路凡三站

由店東北行渡口共九十里至色頭蒙地大市埠去河岸  
十五里又九十里至薩拉齊又東北行一百八十里至歸化  
城由回合店西行十餘里至王愛昭即八白室也

由神木邊外至榆林路凡五站三百二十里

朔漢方畧自神木邊外行五十里一站至俄爾凡和泉又  
六十里一站至高水爾河又六十里一站至伊克博東泉又  
八十里一站至楚爾哈齊井又七十餘里至榆林俱沙路  
神木邊外至寧夏路凡十一站八百二十里

朔漢方畧邊外至寧夏路無人知之由神木過貝勒汪  
舒克所居阿都海之地接擺站大道有一路則自神木五十

里一站至俄爾几和泉四十里一站至打拉泉七十里一站  
至摩都圖湖八十里一站至俄欽湖七十里一站至俄都海  
七十里一站至大路察罕札達海五十承驛七十里一站至  
貝勒宗刺十所居西拉布里都六十里一站至博羅札刺  
克井六十里一站至賽點井六十里一站至沙克舒爾井六  
十里一站至拜都井五十里一站至祁它特泉四十里一站  
至橫城口又三十餘里至寧夏城自神木邊外至察罕札  
達海路中水草薪柴無誤沙多自察罕札達海至橫城  
口路平水略少

榆林邊外至寧夏路凡十站七百三十里水甚少路亦大

沙

朔漢方畧自榆林八十里一站至馬齊魯扎達海有小河  
一又八十里一站至海流岳有大河水又六十里至拖河岳  
有小泊一井一又六十里一站至納林河有小河水又八十  
里一站至古壘有井一又八十里一站至阿兒灘噶達素  
有井一又九十里一站至烏拉素有井一又七十里一站至  
察罕陀羅海有井一又五十里一站至哈沙岳有井一又  
八十里一站至橫城口

套地黃河運道

河套行舟見於記載者漢惟衛青絕梓道梁北河元魏初

用兵朔方與劉衛辰慕容竇相爭旌旂戰艦照耀河干太平  
真君七年刁難鎮薄骨律以舟漕粟五日而至沃野

魏書道武紀登國六年十一月衛辰遣子直力鞬寇南  
部車駕出討大破之於鐵岐山南戊子自五原金津南渡  
河辛卯次其所居悅拔城衛辰父子遁十年七月慕容  
遣子寶寇五原造舟收穀八月帝親治兵於河南九月師  
臨河築臺告津連旌沿河東西千里有餘時元虔五萬  
騎出京絕其左元儀五萬騎在河北承其後元遵七萬騎  
塞其中山之路冬十月辛未寶燒船遁

元和志後魏真君七年刁難上表言奉詔平高安定統

萬及臣所守四鎮。出車五千乘。運穀五十萬斛。付沃野鎮。  
臣鎮去沃野八百里。道多深沙。輕車往來。猶以為難。今載穀  
二十五斛。深沙必至滯陷。又穀在河西。轉至沃野。越渡大  
河。計五千乘。運十萬斛。百餘日。乃得一屯。大廢生人耕墾  
之業。牛車艱阻。難可全至。一歲不過二運。五十萬斛。乃經三  
年。臣聞鄭白之渠。遠引淮海之粟。沂流數千里。周年乃得  
一至。猶稱國有儲糧。人用安樂。今求於牽屯山河之次。造船  
二百艘。二船為一舫。一舫勝二千斛。一舫十人。計須千人。臣  
鎮內之兵卒。皆習水。一運二十萬斛。方舟順流。五日而至。自  
沃野牽上。十日還到。計用人工。輕於車運十倍有餘。不費牛

力又不廢田。孝文帝善之，下詔曰：非此一運，自可永以為式。

其後遼重熙間，於天德軍造樓船百三十艘。元至元時，以郭守敬言於東勝立水驛，以通漕運。蓋時值割據，轉餉輸卒，利用河流與元魏時同也。

遼史耶律鐸軫傳：重熙間為天德軍節度，相地造戰艦，因成樓船百三十艘，上置兵，下立馬，規制堅壯，稱旨。及西征，詔鐸軫率兵甲別道進，會於河濱，敵兵阻河而陣，帝戰絕河擊之，大捷而歸。

元史世祖紀：至元三年秋，自中興路至西京之東勝立



水驛郭守敬傳。至元二年授都水少監。守敬言。舟自中興沿河。回晝夜至東勝。可通漕運。又見查郎泊兀郎海古渠甚多。宜加修理。

清聖祖幸寧夏時。於橫城生船。二十一日至湖灘河朔。即古君子津。或以為今色頭鎮是也。在歸化西北二百里。今以橫城。口。東至府谷縣之蓮花纏河口。水道里數列下。

朔漢方略。康熙三十五年十月。諭皇太子曰。二十七日。駐蹕麓蘇村。二十八日。駐湖灘河朔。漢人稱為脫脫城。即黃河岸。波流甚緩。非南方黃河比。較天津入海狹。河尤狹。仰射而過。五十餘步。於是登逆流。舉棹以試水勢。船猶可行。

東華錄康熙五十二年上諭朕幸寧夏過鄂爾多斯地謂  
松阿刺布王曰爾等祖宗不過欺侮漢人遂據河套耳若朕  
則自橫城坐船帶糧從鄂爾多斯之後抄出據守爾等將  
如之何又回鑾時由橫城坐船計二十一日至湖灘河朔  
已將馬匹發往陸路此二十一日率兵步行圍獵打漢而回  
十月二十八日至河岸岸南一土城大十餘里名脫脫城相  
傳為脫脫所築

鄭居中府各縣志黃河自寧夏橫城出口進套北流千  
餘里復東向脫脫城流至城山嘴西有十二連城夾河向  
南流逕偏關縣屬老牛灣關河口南岸為山西境又由關

河口至龍口，一名北風洞。兩岸石山夾河中流，較天橋峽更窄，但底平濤浪稍減，而下奔放處，西岸尤闊。歷太子灘、娘娘灘，俱河曲縣境。北岸以灰溝為界，東屬河曲，邊外西屬縣邊外，又五里，即縣黃甫川之蓮花纏邊口，為黃河出套進口之始。

俞明震壬子歲泛黃河自寧夏還，色頭鎮舟行雜詠其二。日落長城窟，悲風起賀蘭。草肥知馬健，地僻引渠寬。石色天西盡，人心亂後看。無為怨回紇，生事日干端。自注：去冬回隊，至寧夏，會匪已棄城遁，回隊入城，肆淫掠殺，良民二千七百餘人，今尚十室九空，生計無論矣。

其三古塞名王府森森萬木青。地形連朔漠國論弛藩屏。  
世絕天親賤兵忘互市停。淒涼逐客令十口已伶仃。自注蒙  
古阿拉善王居賀蘭山陰擅森林之利王與端庶人互威庶  
人滅死依王生活。近以國變王遂逐庶人奔寧夏蒙地產鹽  
甘肅以庫帑租王鹽池去冬以兵亂暫停。

其四衝沙西岸風舟疾欲浮空。草色不成綠柳條纔吐紅。  
意中有春日身外即鴻濛。磴口鷄奠賤傳聞西道通。自注塞  
外多紅柳短小叢雜舟人束柳條為刷蓋掃船之用。過磴口  
千里不見人煙。

其五西風不成雨吹入小單于。棄地常千里神功有後圖。

水底斜岸出，天遠片雲無。碧眼誰家子，新開百道渠。自注：三套河有法國教堂，庚子被燬，索償二萬金。蒙古阿拉善王乞貸於甘肅，不應，遂以地償之。迨則渠工回達，教民過七千戶矣。

其七，扁舟出鹼灣，日薄晝冥冥。岸蝕沙能語，雲開風有形。極邊無戍鼓，何地戴王靈。留有千秋影，狼居兩點青。自注：鹼灣數十里皆沙阜，一白無際，掘沙二三人即得鹼。遙見狼居晉山西峯對峙，舟人呼為兩狼山。

其八，舟環烏喇特，面面飽看山。雜樹自生滅，河流時往還。旣廬寒暑共，國界有無間。疆土收強權，在邊民盡出關。自

注。河流曲折繞烏喇特山行。山即烏喇特府地。分三旗。以三公爵領之。曰中公、東公、西公。受盟長節制。貽穀辦壘收。盡收烏喇特一帶荒地。

其九。聞說陰山近橫流入地行。夢懸青塚影。風有黑河聲。市遠尋車轍。塵昏歷土城。萬方同永夜。孤燭自分明。自注。烏喇特山連大青山。即古陰山。河流近山。不似沙漠之泛濫矣。距色頭鎮七十里。烏喇山對岸一土阜。土人呼為西居墳。然青塚在歸化城南二十里。不在色頭。色頭鎮土城甚大。高務漸盛。自色頭鎮至朔河口。即古君子津。河轉東南流入

山西境。

河套圖志 卷六

物產第六

富平張鵬一扶萬編

新秦地自移民實邊後物產饒沃當時言富厚者必曰新秦新秦見漢書證以今語猶曰出洋唐地志元和郡縣志備列豐勝二州入貢土物名類甚多今套中惟以鹽鹼聞套北元革由包頭出口海關報告大半皆是而製造者絕少惜哉今析其物產凡三曰礦物動物植物

礦物

礦物之類三鹽鹼鐵是也鐵見於金史地志雲內州產青

鑛鐵其地在今五原縣為烏刺忒旂地一統志烏刺忒旂北二百里額青恩都爾山即麥朵山舊產鐵是也

漢富昌成宜兩縣均置鹽官而朔方縣之金蓮鹽池青鹽池唐時為胡洛池每年供振武天德兩軍及營田水運採鹽約一萬四千餘石明為紅鹽池延綏鎮志紅鹽池外東有長鹽池西有鍋底池及大鹽池

元和志十賁故城朔方縣理此即漢朔方縣故城有二鹽池大而青白青者名青鹽一名戎鹽又宥州長澤縣有胡洛鹽池在縣北五百里周回三十里亦謂獨樂鹽池蓋池兼朔方長澤二縣之境也



宋初夏州一域地歸拓拔因議禁鹽入內為制敵之計西夏以之再求和議經趙宋一代其說蓋未弛也

李素續通鑑長編六十三真宗景德三年向敏中嘗與趙德明議朝廷所降要約事陳克叟言青鹽平復甚多若置椎場官亦不可買之官買必須官賣既亂禁法且解州西地鹽不復殫矣又一百五十七仁宗慶五年十一月通英閣讀三朝經武聖略上曰真宗時李至言鄭文寶建議禁西界青鹽為失策如何侍讀高者訥奏青鹽之禁西人至今失其厚利乃策之得至言殆偏見也上然之按一百三十二載慶曆二年田況上兵策十四事有太宗朝鄭文

寶言禁青鹽以困邊賊可以不戰而屈人兵詔自陝以西  
市之者皆坐死其後犯法者甚衆戎人之食寇鈔邊郡西屬  
萬餘帳歸繼遷命錢若水馳傳視之因詔盡復舊制戎人始  
漸歸附今日之勢若厚加招撫稍寬鹽禁則屬戶無不得用  
議者以邊饋已窘又興費不貸非至計也云云錄之以見當  
時平夏之鹽關係邊計如此

清時哈刺莽乃池即唐胡洛池產大鹽七旂負苦藉此資生  
行銷於府谷神木及河東七塲河曲偏關而太原以北瀕河州縣  
亦准協濟惟禁水運恐及河東引地也又五勝右末札薩克右前  
等旂有小鹽池味苦多硝鄂套右中旂有花馬池鹽色青粗大為

各池鹽產之冠

神木縣志哈刺莽乃鹽池在縣北四百餘里之杭錦旗西北周圍三十餘里鹽在水中結成顆粒質堅色青每斗約重二十三斤謂之大鹽取法以柳筐入水撈之傾於灰側累積成堆以待運者花馬池取鹽先於平地為畦引注池水經宿成鹽白如霜雪二三日成粒四五日後粒大色青可運他方也

蒙鹼出於苦水池有東西大小浮兒光緒時以教案兩次賠款租池於陝西官鹼局租期自光緒二十七年起以三十七年為限鹼局設於神木邊外之塞鎮分售山西歸化京津各

處其質製釀外可製苛性加里及漂粉。蒙地又有天然鹼，色潔質堅，如礬，產於地中。近邊各縣時有販運，他處不多得也。

今之異蒙鹼考察記：鹼出神木邊外二百餘里，大小二潭。大潭，名即察罕泊，又名前潭。在札薩克右前五勝右末西旂界，界周四十餘里，徑十三里有奇。小潭，名阿肯潭，又名後潭。在札薩旂界，周十里許，徑三里許。兩潭均圓形，東西相對，距七八里。光緒二十七年，蒙古因靖邊教案賠款，以鹼潭作抵。經陝撫升允以庫銀五萬九千五百兩贖回，以二十七年為期。民國元年，因五勝賠償小橋畔教款，又借陝庫銀二萬八千，以二萬續租鹼潭十年。至民國二

十八年止。又八千兩租五道河池為公家屯田官鹼局設神木縣邊外八十里窰鎮收料煎熬其東蘆草溝又有分廠鹼製成後由兩局分路銷售。渾兒取鹼須冬時北風大起水涸鹼出或四五寸或七八寸或尺餘不等由蒙民採取堆積池旁由官局收買復運至窰鎮官局入鍋煎熬大渾兒鹼質性剛小渾兒鹼質性柔煎製時用大渾兒鹼七分小渾兒鹼三分配合成品方良製成鹼錠以八十五斤為率鹼質上者每斗製淨鹼二十餘斤劣者十五六斤十斤許不等銷售時零售由小商販賣整售由縣城高承堡各商店分售山西各處蘆草溝商店分售歸北京津等處

動物

套地牧馬自昔已然漢時新秦各縣官假馬母令民得畜三歲而歸息取什一武帝時令也

史記平準書上北出蕭關從數萬騎行獵新秦中以勒邊兵而歸新秦中或十里無亭徼於是誅北地太守以下而令民得畜邊縣官假馬母三歲而歸及息什一以除告緡用充入新秦中

唐馬政以夏州朔方為盛馬在夏州者多取之於六胡州而以西受降城為突厥堅昆馬市之地

唐書兵志儀鳳後置八監牧監於鹽州使統白馬等坊

自萬歲失職，馬政頽廢。永隆中，夏州牧馬死者十八萬四千九百九十匹。開元初，國馬益耗，太常少卿姜海乃請以空名告身市馬於六胡州，率三十匹僱一游擊將軍，命王毛仲領內外閑廐馬，稍稍復。始二十四萬，至十三年乃四十三萬。其後突厥款塞，玄宗厚撫之，歲許朔方軍西受降城為互市，以金帛市馬於河東。朔方隴右牧之，既雜胡種，馬乃益壯。天寶後，諸軍戰馬動以萬計。王侯將相外戚牛駝羊馬之牧，布諸道，百倍於縣官。皆以封邑號名，為印目別將校，以備私馬。議者謂秦漢以來，唐馬最盛。天子又銳志武事，遂翁西北蕃。唐會要：天寶六載十二月，九姓堅

昆及室韋獻馬六千匹於受降成納之方鎮表開成三年以  
夏州節度使領銀州監牧使唐書方鎮表開元二十年朔方  
節度增領閑廐宮監牧使唐書王忠嗣傳先是忠嗣之在  
朔方也每至互市時即高估馬價以誘之諸蕃聞之競來  
求市來輒買之故蕃馬益少而漢軍益壯及至河隴又  
奏請徙朔方河東戎馬九千匹以實之其軍又壯定於天寶  
末戰馬蕃息

宋失朔方市馬於麟府各州以夏州牧地為西夏所據也  
宋史兵志初市馬陝西麟府豐延保安軍河西綏寧自  
趙德明據有河南其收市惟麟府保安軍其後置場則又



止慶延而已。

食貨志熙寧中麟州奏夏人之請令鬻銅錫以市馬  
光項傳勒浪族遷帳府州界東至河百五十里南至府州  
三百里副首領遇兀言部族多良馬

明初自東勝至河西寧夏為軍旂養馬之所而陝西馬額  
一萬六千餘匹延綏一鎮亦二萬二千三百匹榆林志云塞外即  
套地牧馬蕃息規西口馬身材頗遜而個儻過之五勝右末以東  
尤多絕塵之品

陝西通志洪武三十年定北邊牧馬草場自東勝以西至  
寧夏河西察罕淖兒

游牧記康熙三十二年聖祖征噶爾丹至鄂爾多斯界  
札薩克等率僞渡河朝御營上諭皇太子曰朕至鄂爾多斯  
地方各旗俱和睦如一體無盜賊駝馬牛馬不必防守生計  
固全牲畜蕃盛較它蒙古殷富圍獵爛熟雉兔復多所獻  
馬皆極馴取馬不用套策隨手執之水土食物皆甚宜  
馬之外有有酥乳酪若飲所必需駝有絨羊之皮毛為用  
尤廣草呢原料多取於此狐兔之皮又其次也

榆林府志牛產業地本境銷售約千餘頭酥來自蒙地以  
牛羊乳為之唐地志宥州夏州產此

寰宇記夏州產羊豐州產羴羊榆林志騷羊每歲至

蒙地賸之，回回用以製氈袋，近多售於洋商。

## 植物

植物之著者，漢時陰山以木植為最。北魏時以之為攻戰之具。唐代則無聞焉。然明時戶部徵大青山木稅，即古陰山也。清嘉慶年間，殺虎口木稅無收，因於山西火耗存餘項下抵補見。光緒九年，晉撫張之洞清查庫款章程，蓋明清之際始濯濯矣。

漢書匈奴傳，侯應言陰山東西千餘里，草木茂盛，多禽獸。木冒頓單于依阻其中，治作弓矢，東出為寇，是其苑囿也。孝武出師征伐，斥奪其地，攘之於幕北。邊長老言匈奴失陰山

之後過之未嘗不痛哭也。

魏書世祖紀始光四年遣就陰山伐木大造攻具。

今套中產段木外有臭栢。全史有不灰木。豐州舊產也。

府谷縣志柵木俗名段木。細堅可鐫字。蒙地較多。

神木縣志臭栢生邊外沙中。葉與香栢無異。惟長枝蔓  
生土中。短枝外露。高二三尺。蒙人取葉焚以代香。土人  
作薪。火燄甚烈。沙漠中特產也。

草有沙竹、升麻、柴胡、遠志等。而沙蓬為麩食之佳品。席箕為  
秣馬之美草。

榆林志沙蓬之實狀如米粒。宜麥食。晉商爭販之。

清聖祖幾暇格物編米蘆米出沙地鄂爾多斯所產尤多  
枝葉叢生如蘆米似胡麻而小性暖益脾胃易於消化好者  
食之多有益作為粥滑膩可食或為米可充餅餌茶湯之需  
向來須之者少經朕試用之知其宜今取之者衆矣近綏鎮  
志沙米苗莖如麻葉類久而稍圓有利高人訐生子成房米  
粒如黍杵去皮用羊羹作食味甘滑利大腸服之不饑邊外  
名黍喇吉譚吉曰彼榆人斯不耕不鑿地不愛寶求民之  
瘼秀發沙中瑞同旅穀

席莢又名息雞又名雪積皆一音之轉西陽雜俎席莢一  
名塞蘆生胡地古詩有千里席莢草之句其草宜飼馬又

可織席。織簾。王建詠席箕簾。單于不向南牧馬。席箕徧滿天。  
山下胡嶠陷北記。塞外息雞草。美而大本。馬食不過十本而  
飽。即茨萁草。為塞外特產之一也。

穀多稷。土人名糜。多麻。疏有沙葱。沙芥。而藜特美。俗名磨菰  
也。

定邊縣志。沙葱。邊外產。葉細長。不類葱。沙芥。邊外產。葉類  
菠蔞。尖長肥厚。有光潤。作蘆。味辛。過芥。

寰宇記。麟州。勝州。產草。金史地志。豐州。產地草。

製造之物。赫連氏時。以五兵著。唐以來。角弓。褐氍。胡布。載於  
歷史。今則無聞。夷夏代易。舊業失傳。因材制宜。望後來之提倡。

也。

晉書赫連載記。勃勃造五兵之器。精銳尤甚。既成。呈之  
工匠。必有死者。射甲不入。即斬工人。如其入也。便斬鎧將。又  
造百鍊剛刀。為龍雀大環。號曰大夏龍雀。銘其背曰。古之  
利器。吳楚湛盧。大夏龍雀。名冠神都。可以懷遠。可以柔  
邇。如風靡草。威服九區。世甚珍之。復鑄銅鼓。飛燕翁仲。  
銅駝龍獸之屬。皆以黃金飾之。列於宮殿之前。凡殺工  
匠數千。以是器物莫不精麗。

唐志。夏州貢角弓。又貢胡布麻布。

元史百官志。豳州製甲弓。各有局。又捏只局織花氈。

寰宇記豐州產駝毛褐



河套圖志

六卷

在山草堂排印

據山西省圖書館藏本

中冊末

民國六年九月富平張鵬一編

一九六〇年九月內蒙圖書館藏

祁縣劉靜山手抄

## 河套圖志正誤表

卷	頁	行	字	誤	正
目錄	2背	2	4	使	史
卷一	5背	8	7	郡	部
	8背	1	12	市	布
	11背	7	5	木	本
	16背	2	15	拆	柝
	”	4	14	變	變
	20背	5	20		惠下脫王字
	30	5	20		里字在刪
卷三	4	8	20		郎下脫將字
	5背	10		後妻有實傳以下多	
	6	1		出二十一字	
	10背	6	21	儉	儉
	15背	4	1	史	使
卷四	22	7	4	烜	煊
	4	3	1	浚	浚
	13	1	1	葦	葦
卷五	8背	6	6	其	甚
	9	7	7	百	面
卷六	2	6	18		慶下脫歷字

